

anuncios>>

mias>> na campaña STOP Bolkestein

mias>> ye la primer organización de mocedá del país que firma'l documentu **escontra** la propuesta fecha pol lliberal holandés Frits **Bolkestein** col enfotu de lliberalizar la circulación de los servicios na unión europea.

Dende **mias>>** consideramos esta propuesta como un pasu atrás, un intentu más del neolliberalismu por **remanar** a los ciudadanos y d'usanos como un **recurso o una mercancía más**, acabando coles **pensiones, la sanidá, la educación** etc.



Mocedá d'Izquierda Asturiana espardera esta iniciativa tamién sofitada por **IAS** y **lluchará** por que los drechos sociales de los ciudadanos d'**Asturies** y del restu de los ciudadanos d'**otros países** nun seyan torgaos enxamás
+info: www.stopbolkestein.org

enseñu y trabayu>>

Relixón nes escueles, NON: éxitu na manifestación d'IAS/mias>>

Mocedá d'Izquierda Asturiana tuvo presente na manifestación convocada'l 14 d'avientu en defensa de la escuela pública. La pancarta de **mias>>** na que podía lleese: "**Relixón nes escueles ¡NON!**", abría'l cortexu d'IAS/mias>>y tres d'esta diba la pancarta d'IAS na que podía lleese: "**Por una Escuela Pública y Asturiana**".

L'actu entamó na estación de Renfe d'Uviéu y finó na plaza española. Foi una movilización enllena de collar con un ambiente reivindicativu, sobre too nel cortexu d'IAS/mias>>, onde bien de xente mozo y non tan mozo glayó bien alto llemes como: "**Más asturianu, menos relixón**", "**Asturianu nes escueles, relixón nes ilesies**", "**Los cures y les**

monxes chupen como esponxes", "**Conciertos non, nin relixón**", "**Zapateru tas como'l cleru**", ente otres, dando-y asina l'enfotu asturianu a la manifestación.



Pela so parte **SUATEA** convocó una xornada de fuelga con un siguimientu del 80% y del 40% na secundaria y enseñanza primaria respetivamente. Dende **mias>>** considerase ablucente la presencia nesta movilización **escontra** la L.(I).O.E. de partíos como IU que ficeron votu d'abstención na votación d'esta llei ensin xaciu y que tan formando parte d'un gobiernu que sigue dando perres a los colexos privaos, priorizando alumnos, marxinando la nuesa llingua... Nós siguiremos faciendo por ser l'**alternativa** a la **izquierda y dende'l nacionalismu** pa les y los ciudadanos y ciudadanos d'Asturies:

¡Por una escuela pública, asturiana, laica y de calidá!

lilingua>>

Pablo Rodríguez ganador del Teodoro Cuesta



El portavoz d'IAS en Xixón, **Pablo Rodríguez**, ganó'l premiu **Teodoro Cuesta** de

poesía, falláu a finales del añu 2005, cola obra "**La lluz del nordés**".

Nuna selmana pa nun escaecer, **Pablo Rodríguez** algamó tamién el **V Certame Cultural d'Artistes Mozos** en **Cáceres** por una obra d'**ensayu** nomada "**Idioma, nacionalidá y conflictu**", onde estudia la **rellación** ente la **lilingua** ya **identidá propies**

Dende **mias>>** préstanos da-y la nuesa más **candial norabona** al nuesu portavoz en Xixón y afalagámoslu a **siguir trabayando**

Nº 5. Xineru - 2006

Cartafueyu de Mocedá d'Izquierda Asturiana.

na cai

05

na mesma direición, **lluchando** por una **Asturies meyor** y de les **asturianos** y **asturianos**.

ecoloxía>>

Escontra la Incineradora de Serín:

Izquierda Asturiana y **mias>>** axuntáronse a la **plataforma** que se posicionó a la **escontra** de la instalación d'una **incineradora** de residuos sólidos en **Serín**, nel conceyu de Xixon.



Representantes d'IAS asistieron y faloron na **xunta preparatoria** pa entamar una **plataforma** que defenda el non allugamientu de la planta, entamando a planificar **delles movilizaciones** pa visualizar la **protesta** y pa conseguir qu'**Asturies nun seya'l macrovertederu del norte del estáu español**.

Ye un asuntu d'especial importancia **mediambiental**, incluso dende'l puntu de vista de la **salú** de los cientos de miles de persones que se topen nún radiu bien pequeñu d'influencia, cola esposición a **gases contaminantes**, **incluso venenosos**, de la población de núcleos tan importantes como Xixon y la so redolada.

Nel Conceyu **escontra** la incineración participen, ente otros, la **Coordinadora Ecoloxista d'Asturies**, **Ecoloxistes n'Aición**, **Coleutivu Ecoloxista d'Avilés**, los **Verdes**, la **CSI** y a **CGT**.

IAS-Piloña desixe claridá sobre Soto-Penagos

IAS-Asturianistes por **Piloña** celebró'l miércoles 21 d'avientu una **rueda de prensa** onde pidió un **verdaderu debate públicu** sobre la problemática de la llinea d'alta tensión de **Soto-Penagos** reafirmando na so oposición al trazáu.

El portavoz **José Angel García "Allende"** recordó qu'IAS basa la so oposición en **dos sentencies** de 2002 nes que se declaró **nula la utilidá pública del trazáu**, lo qu'obliga a someter el tendíu a un

estudiu d'impactu ambiental. Allende denunció tamién el fechu de que **l'alcalde** faltare a la verdá "**hasta 4 veces**" al tiempu qu'afirmó qu'IAS va seguir refugando un **modelu enerxéticu** defendíu polos responsables políticos asturianos "**que quier duplicar la producción enerxética cuando Asturies nun consume nin la metada de lo que produz y teniendo en cuenta qu'esto nun supón nin xeneración de riqueza, emplegu, nin valor añedíu**".

Amás el pasáu Avientu la **Comisión de Peticiones del Parllamentu Européu** dirixó un escritu a l'**agrupación piloñesa d'Izquierda Asturiana (IAS)** nel que da cuenta del entamu de la investigación sobre los fechos denunciaos por esta formación, de magar dicha Comisión almitiere a trámite la **denuncia sobre l'incumplimientu del derechu comunitariu** per parte del Estáu Español y les alministraciones locales y autonómiques asturianas.

+info: www.ias.as/pilona

Salir del pozu

Ser moza o mozu, ser d'izquierdes, sintise asturiana o asturiano, falar n'asturiano, vivir en consecuencia coles tos idegues, lluchar por cambiar lo que nun te presta, colaborar y participar na vida política y social del to llugar, conceyu, país, trabayar pa que l'entornu sía meyor, son dalgunes de les coses que **mias>>** propón a la **moçada asturiana**. **Mocedá d'Izquierda Asturiana** ye una organización política de moxes y mozos asturianos que tamos comprometíos/os cola **sociedá asturiana** y que dende'l nuesu llabor vamos aportar pa buscar y entamar soluciones a los problemes d'esti país, aportando la voz de la **moçada** que va dirixir **Asturies** nun futuru.

mias>> considérase, poro, heriede del **Conceyu d'Estudiantes Nacionalistes** como organización que dende'l nacionalismu esparrió y desenvolvió una llucha dende les instituciones, tamién dende fuera, pa que **Asturies** tuviere presente nes mesmes. **mias>>** va participar na vida universitaria, na vida educativa, dende l'apuesta por una educación de ciudadanos/os nun sistema educativu públicu y ensin inxerencies de los intereses privaos, por una educación pa que

n'**Asturies** el mañana nun sía una utopía sinon una realidá.

mias>> anguaño recueye'l testigu del **CEN** y entama a presentar propuestes nos **Consejos de la Mocedá**, na **Universidá**, esto ye nos órganos de participación xuvenil asturiana. Les y los ciudadanos que componemos **mias>>** tenemos perclaro que pa desenvolver el nuesu proyeutu vamos lluchar en tolos espacios posibles y nun vamos renunciar a nengún. Porque si tenemos una cosa bien clara en **mias>>** ye que pa salir del fondu'l pozu hai que facer una escalera y nosotres/os yá entamamos.

www.ias.as/mias



Añu nuevu, web nueva. **Mocedá d'Izquierda Asturiana** entama l'añu refaciendo la so web nacional, un espaciu muncho más amañosu y ampliu pa esparder la nuesa info, les nuses idegues y el nuesu proyeutu de futuru p'**Asturies** y la **moçada** del país.

Dende **mias>>** felicítamosvos el nuevu añu 2006, que tien de ser l'añu nel que la **moçada d'Asturies** garre la **pallabra**, d'una **vegada**



por toes, pa lluchar pola **independencia**, pola **llibertá**, pola **xusticia social**, pola **llingua y cultura asturiana**, pola **igualdá**, pol **futuru**, pol **trabayu**, pol **mediu ambiente**, por **Asturies**.

Afalagámoste a **entrar** y ver el nuesu site y **dexar la to opinión** si te presta o si tienes dalguna **suxerencia**.

+info +semeyes +contautos
+materiales +independencia:

+trabayu por Asturies

Mocedá d'Izquierda Asturiana

www.ias.as/mias >> mias@ias.as

Primo de Rivera, 1, Oficina 9. 33333 Uviéu.